

光澤縣志卷二

建置志

城池

公署

學校

武署

壇廟

驛舖

坊表

津梁

設險首重金湯遠侮計先牖戶故雄觀百雉俯嬰之  
 而可憑壘築層墉環攻之而不勝矧光為三山之門  
 戶係七閩之安危增城浚隍詎可忽乎迺若茅茨雖  
 遠古之規模而棟宇賁文明之氣象勞人勞鬼奚取  
 高蓋以凌虛美奐美輪不妨翬飛而聳構毗世作禎  
 良非虛也至於羣士于學寓旅于垣絃誦詩書新先  
 聖人之宮墻以恢文教蒐苗獮狩嚴大將軍之武衛  
 光澤縣志

卷二

以壯軍容皆經制之先務矣其間兩陽若而歲功奏  
 實惟山川社稷之有靈功德樹而美報昭是在俎豆  
 蒸嘗之畢備此壇壝所為肅將而禮祀所為祇若也  
 又若王言文若翔木鳳以遍九埏使命皇華駕星輶  
 而歌四牡郵遞傳舍所宜構焉乃坊楔雖細故也顧  
 顯名當代者疇其湮而弗彰枉梁亦王政也苟加意  
 利濟者罔或廢而不舉合之作建置志



城池 閔二寨一隘十有一

光澤舊有戰城建廢無考洪武十九年令林孔孫建門二東曰朝宗西曰宣德晨昏啟閉後朝宗門燬宣德四年縣丞張履重建嘉靖二十九年山寇竊發民苦剽劫守邵惠久令吳國器始申請議立城周圍計六百四十一丈一尺二寸東西南北關門四水門亦四後漸傾圮萬曆三十五年令羅希尹葺百有餘丈重建東西二樓姑熟李萬化有記見碑城西北隅近大溪多圮

光澤縣志

卷二

二

國朝順治十二年令邊靖築堤埠增大四門城樓樓壁磚屏屏開小木門可以外視施砲康熙五年郡守汪麗日檄勸士民捐助加修城堞令劉祖向每堞增高五尺康熙十年五月洪水漂蕩水門俱沒自北而西傾圮數百丈根底磚石盡付波濤令王吉募匠築造十五年十六年城堞多圮是時遺寇盤踞各都令金鳴鳳恐其窺伺星夜修築復遭水圮二十五年令張彭捐俸修築并繕各城樓建新城樓一三十二年張彭捐俸復修杉關在九都山嶺石山嶄絕僅容單車古稱甌閩西戶有城垣圮令張彭捐修



鐵牛關

在二十七都二關俱唐廣明元年設宋元因之明洪武三年徙大寺寨巡司于杉關寨兼守鐵牛關

大寺寨

在縣西北舊巡檢司于此後徙于杉關

鐵牛隘

在二十七都界近瀘溪

孔坑隘

在三都

巖嶺隘

在七都

風埭隘

在十都

極高隘

在六都

高嶺隘

在九都

羊頭隘

在八都

蛇心隘

在二都

雲際隘

在二十五都界鉛山

昂山隘

在二十九都近貴溪

火燒隘

在二十四都近貴溪

光澤縣志

卷二

公署

光澤縣治宋在杭川南舊唐財演鎮地也宋太平興

國四年陞鎮為縣即其地為治元仍其舊至正十二

年燬於兵復建明初因宋元之舊洪武元年征南將

軍胡廷瑞以南昌衛鎮撫洪忠鎮是邑徹而大之有

建縣記

見藝文

宣德元年

丙午

主簿沈宗重建譙樓弘治

元年

戊申

令劉俊伐石為臺三年令魏默重修正德十

二年鍾華修正堂扁曰清慎勤翰林陳獻章書華有

重修公署記

見藝文

十七年地令潘侃重修萬曆三十



七年圮令羅希尹重建南昌太守汪國楠記後見中爲正堂堂右爲幕廳爲架閣庫堂南爲庭爲陳東西爲兩廊有公生明龕係戒石亭在甬道中銘曰爾俸爾祿民膏民脂下民易虐上天難欺

前爲儀門儀門外東爲賓賓館爲縣

獄又前大門上爲譙樓堂北爲後堂思補居在後堂之左萬曆三十七年令羅希尹重修又北爲縣署署北有樓曰拱北弘治癸亥令丘世喬建東爲縣丞宅主簿宅典史宅吏舍列兩廊之後旌善亭在譙樓外東

光澤縣志

卷二

四

申明亭在譙樓外西洪武三年令劉克明建二亭俱燬正德十二年令鍾華重建府館在縣治東南弘治十六年同知陸勉命令丘世喬卽舊射圃爲之圮正德十二年令鍾華重建門堂寢室墻宇嘉靖二十二年令紀穆重修萬曆年間令汪正誼復建建旌善申明二亭及陰醫僧道四舍於譙樓外康熙十一年令王吉重修正堂建私衙于後堂背有記見藝文康熙二十二年令金鳴鳳復修譙樓儀門及六房兩廊鼎建書室於私衙內北隅



布政分司在縣西龍興觀左舊河泊所地正統五年  
令盛垣建弘治六年令魏默重建中爲正堂前爲儀  
門後爲穿堂爲後堂寢房庖湏之屬俱備正德十二  
年令鍾華重修萬曆三十八年令羅希尹重修萬曆  
末改爲邵公祠名宦鄉賢列于左右廳順治年間改  
作關帝廟

武平道在縣東百步舊城隍廟地洪武三年建中爲  
正堂前爲儀門堂後爲後堂東西爲兩廊寢房庖湏  
之屬俱備正德十二年令鍾華修萬曆年間改作察

院行臺三十二年火三十六年令羅希尹重建至順  
治年間圯俗名底司左與今城隍廟間壁右卽黃家  
巷前至官街後至庫墻止存空基

外察院司坐縣東大街施家巷下於順治年間圯止  
存空基

雜署

稅課司

在縣治東門外平濟橋背夫人廟下手順治  
年間改縣西弘濟坊惠應靈濟祠收纜過稅

河泊所

正統年間俱革其地坐  
縣西改爲布政分司

際留倉舊在儀門外洪武六年令盧克閭建于縣南



後街歲貯俸廩并養濟院月糧弘治元年令劉俊移  
建南門城內山上東西二廩改名常豐順治間圯康  
熙二十五年至三十二年知縣張彭於丞衙舊址共  
建義倉七所計三十口又於廢察院司建倉二所計一  
十口  
預備倉四所 東倉在縣東靈濟堡 西倉在縣  
西長城堡地各花橋 南倉在縣南虎跳村 北  
倉在縣北崇仁堡洪武二十七年令姚伯和建成  
化十九年令陳紀增建西北倉已廢之倉四常平  
義倉舉子社倉俱在縣東平濟橋紹熙二年建朱

先澤縣志

卷二

六

文公爲記見後

大寺寨巡檢司在杉關舊在縣北二十二都元至正  
五年乙酉遷于止馬市十五年乙未巡檢沈兼善重建明  
洪武三年巡檢胡永忠遷建今所弘治五年令魏默  
修

醫學

惠民藥局

陰陽學在縣治西舊在縣東登雲坊委巷後廢洪武  
十八年乙丑改惠民藥局爲學弘治五年壬子令魏默遷



建今所正德十二年令鍾華併建二學為一萬曆年間改建于縣譙樓門外

醫學

坐譙樓外西邊與申明亭道會司俱坐西邊

陰陽學

坐譙樓外東邊與旌善亭俱坐東邊

僧會司

坐譙樓外東邊

道會司

坐譙樓外西邊

杭川勝景

玉佩隱居

在縣西百里烏佩山下山水秀麗後唐光州人鄧瓌以僕射鎮邵武後卜居於此子孫家焉歷代以儒業登仕元至正間玄孫良貴號秋碧為老氏之學築室隱居扁曰玉佩

著祖德也翰林杜本為之記出武陽志畧

鐘秀樓

在縣東交溪之側舊寫迎恩亭元時建明洪武六年令盧克間重建後圯永樂十八年邑

光澤縣志

卷二

七

人黃孟舟改建為樓名曰鐘秀以為使客往來迎送之所參政楊鼎書扁圯清知縣邊靖仍建為迎恩亭

半空煙雨亭

在縣南雲岩上宋建諸山屹立秀麗可愛邑人以為勝遊元至正十五年燬

瑞竹亭

在縣治中宋元祐初上官均以直諫謫宰茲邑有竹生于庭一株四幹十八節元至正二十四年朱萬初山館閣出宰光澤竹復生因構亭曰瑞竹雷機記

杭川勝槩亭

在縣東二里跨于通衢令鍾華建左曰送往右曰迎來有詩

勸農亭

在縣西五里令鍾華勸農之所今圯訓導唐雲有詩見後

玉虛閣

在止馬市萬安橋西偏宣德八年縣丞辰履建

環翠亭

在杭頭市

八角亭

舊志無坐縣西門外跨于通衢內郎闕帝廟明季崇禎年間邑民所建



學校

學校之廢興關國家之元氣故立成均以養士所以重英才也宋時理學輩出直與濂洛齊驅明初科甲接踵登館閣而拖青紫者繼矣後先雖曰地靈實本人傑迄今蜚聲甲乙者落落晨星豈山川之氣使然歟抑亦士志之弗勵也顧盛衰由乎運詳畧存乎志官墻射圃社學田畝學然備載後始得而考焉故志之

儒學在縣治東南宋慶曆四年甲詔天下州縣立學

光澤縣志

卷二

八

光澤志缺建置無考元至正六年丙令朱萬勅乃建

廟後兵燹明洪武三年庚令劉克明重建大成殿明

倫堂鄉賢祠永樂十一年癸令曾成烈教諭陳子良

重新大成殿十五年酉令馬伯重塑先聖四配十哲

像煥承張履塑從祀諸賢像正統二年丁令盛墳訓

導余儼拓建大成殿新明倫堂十四年己令徐晉復

修兩廡戟門徙鄉賢祠于戟右成化五年丑教諭陳

源以學舍傾敝前逼重崗乃卜相厥址以學向東爲

宜請於學憲游明守盛灝經畫建置西爲大成殿東



爲明倫堂皆東南向學士柯潛記見弘治元年申令  
劉俊又謂學宮宜南向仍復改學門對文筆峰十六  
年令丘世喬復修明倫堂正德十二年申令鍾華修  
殿廡戟門櫺星門泮池改學門南向鍾華記見嘉靖  
二年王簿何璽重建明倫堂構號房七年戎令曾忬  
增構號房十四年私署邑事建寧縣王簿劉正魁重  
構宰牲所嘉靖四十五復遷西門之外龍興觀上北  
向萬曆十二年復改于城內孝感坊杭川驛之舊址  
坐水向南移驛于西外舊學基二十六年申令羅希

尹從堪輿家議以地易學前居民饒應賜屋使拆去  
勿蔽對山三十八年又請稍移向亥巳得坐水外之  
飛鳳山尙未經始四十年令汪正誼下車捐俸力成  
其事踰年落成而規制特備先師廟在明倫堂之右  
從以兩廡戟門在廟之南泮池在戟門之南跨以石  
橋其以石欄堂後爲尊經閣舊無閣汪令始建泮池  
南爲櫺星門東廡後爲宰牲所啟聖祠舊在敬一亭  
饌堂號房堂左右司器庫司書庫翼以兩齋左曰居  
仁右曰由義前儀門在前學門外聚奎坊教諭訓導



三宅俱在廟右郡守陶人羣縣令汪正誼有記

見藝文志

學址前志已詳之矣沿清朝奠鼎以來戊子之歲江右守弁倡亂山寇響應隴我城邑延燬文廟厥後上臺加意招徠飛鴻稍集庠弟子員顛皆肘見踵決安能倡興興建僅營小磚龕祀先師于瓦礫間蒙守垣會延孔署府運副李正茂各助銀五十兩議創制焉又緣明季人文寥落叢議遷基遂爾築舍盈庭迄無成效康熙四年貢生上官臨生員黃縉龔名芳陳南賢危樹羨黃甲標丘應箕饒世道等二十餘人議

光澤縣志

卷二

十

以原基先暨明倫堂訂簿請於郡守汪麗日家屬文捐俸施出助學興工于康熙四年十月造建明倫堂棟宇一新五年間汪公以事按照親詣其堂慰勉諸生以時事多艱聖殿難就暫祀先師於堂康熙九年三月府教授王侯聘署庠事朔望與令劉祖向拜謁每病其陋各捐助倡首于十月建兩廊爲左右翼適本府督糧柳文標來署縣事與諸生講學明倫堂以儀門未建殊不冠冕卽捐俸二十兩欲興新之嗣新令王吉甫下車謁廟見其興工欣捐貲五十金



與訓導正人楚經營卅至其龕若堂鋪砌其塔若堦  
展拜有地儀門亦興新矣康熙十年令王吉損俸貲  
數百金諸生各隨數樂助始建 聖殿及兩廡戟門  
櫺星門廟貌壯麗康熙十五年櫺星門兵拆毀十八  
年令金鳴鳳將恩復丁祭銀建學門牌坊二十年恩  
復全祭給建啟聖祠重脩櫺星門於二十五年恭逢  
御書萬世師表匾額懸掛 聖殿文治一新

學田

一明倫堂下手牆外有空基二片今作苗租銀三錢

弘治二年庚戌令魏默置田八畝歲收租銀九錢糧附

光澤縣志

卷二

十一

陳紹宗戶教諭陸廷玉記後見嘉靖三年守潘且給民

田二十畝歲收租銀三兩二錢二十年令鄧高給山

田計禾五十稱該官租六石 新志民田六十四畝

四分每年計追學租銀八兩三錢六分內除納糧銀

二兩五分四釐實納銀六兩三錢六釐登報循環聽

候學道支用

一舊遺學田坐二十七都黃家庄地名居洋每年交

租價銀肆兩三錢

老佃黃茅茂

康熙二十一年壬戌總督部院姚諱啟聖頒銀四十兩



到學買田養贍貧士康熙二十二年癸亥四月經本序  
教諭張霍生員龔名芳饒世道危樞黃尙琬龔行上  
官弘龔榮邦等買到武生王捷民田一十二畝一分  
租穀二十二石七斗牙送城買監生李師綱民田一  
十五畝租穀二十七石牙送城本縣令金鳴鳳捐銀  
一十兩買武生王捷民田七畝租穀一十二石五斗  
牙送城其田苗遵奉

督院原文於在城一圖首排內另立一戶姚興儒以  
志不朽邑令金所買田苗附內督院原文每年止納

光澤縣志

卷二

十一

正供一切雜派俱免正供銀米將所收租穀照時價  
發糶完納餘穀查實給散貧士田段開列于後

總督姚買李師綱田段租二十七石牙送城開后

一田坐落本縣夫人廟背租穀九石正佃人黃俊

一田坐南門外大連坑租穀四石五斗正佃人鄧三

一田坐南門外大連坑租穀四石二斗正佃人李科

一田坐一都仙子崗租穀九石三斗正佃人危瑞隆

總督姚買王捷田段租穀二十二石七斗正

一田坐杭市馬鞍亭租穀一十四石正佃人朱惟懋



一田坐水壠亦米窠租各六石五斗正 佃人官惟德  
一田坐高源背整租穀二石二斗正 佃人吳應華

本縣金買王提田段租穀一十二石五斗正

一田坐杉樹窠茶山下紅柿椹二十石正 佃人吳樹

一田坐高源對門白竹些租穀二石二斗正 佃人饒時

一田坐高源老君崗門前租穀九斗正 佃人吳

前郡守汪履日所施田坐十七都康熙十年賣與

廩生危樹美價銀湊建聖殿

書院

光澤縣志

卷二

三

雲巖書院

在縣南三里雲巖山下宋李方子講學之所元天曆二年令規達創建至正壬辰兵

廢弘治十七年方子後裔李靖之子李茂舊址造茅房子生員李慶元在彼讀書供

奉香火正德七年學憲姚公謨捐俸八兩令本縣湊入兩買民田六畝年交租米三

石二斗批給李慶元收管辦祭仍批本縣造建書院正德十二年冬知縣鍾華十地

改創三十六年令羅希尹重修清順治戊子燬康熙十一年知縣王吉用俸重建

崇仁書院

在縣北崇仁市元至正二十三年邑人龔永同儒士劉康以所募尚書解進得旨建

今地址

西山精舍

在縣西大坂上李光祖讀書之所也歲久圯萬曆四十二年令汪正誼重修今址基

存



社學

一在縣治東隅一在十九都崇仁市一在止馬市一在新田市萬曆二十四年令程寰重建

在茶市順化坊屋圯止存空基後左至新建九龍庵前右至街

射圃

在縣治東輻氏方三皇殿右

演武教場

在縣東城外程公橋後有演武亭萬曆三十五年縣丞王大爵重建今圯



武署

光邑從未設防守弁兵並無武舍營房自清鼎革來兵民雜處悉皆民房順治捌年巡撫張慮兵久占民房仰建南道曾延孔刊刻印票給房主收執憲牌云仰道卽將清查過在城官兵借住民房有屋窄狹應卽退還有房稍寬可令分居暫聽兵丁借住者雖經該道查明安頓日前似各相安但恐雜處日久借寓者視爲己物退還者復起爭端有負本院恤民之意該道卽刊印票付房主收執已退還者不得復行侵

占暫借寓者日後照數退還不得拆毀變賣庶民業有歸如違重寃然光邑防守弁兵相沿視爲己物來者輒曰官房退還者復行占住本則拆毀門壁以作柴薪傾倒者不計其數康熙八年總督閩浙部院劉有廣咨利弊之檄郡守汪麗日具詳詳文附見一兵住民房覺端易起則捐建營房之策宜亟行也查得文武協和兵民相安爲今日地方第一要務但都廩四縣民居湫隘鼎革之初城民多避徙于四鄉兵馬突來悉入民房安插迨至寧靖城民思歸兵已占住



力豈能祛只得隱忍容留或一房而前後分居或分左右合處保無民甘魚肉兵肆刀俎者乎可怪彼時地方官不肯卽爲畫策後來城守將領惟願兵丁安便因循異視相沿至今甚而民間中冓難道闔毆時聞以弱民與強兵同居勢若伴虎朝夕生畏是夫不便於民卽守法之兵與弱民共棲終非端戚譽端易作又大不便于兵雖守令日加誥誡營將時申紀律能禁其顯而不能杜其微能懲其前而不能止其後職晝夜籌思欲令兵民兩便莫若查擇空地倡議捐

光澤縣志

卷二

十六

資另建營房撥兵分住以爲久安之計第編造經營爲力不小伏乞 憲臺錫以明示免令會同協鎮議

妥興建移撥此實安緝兵民之大要也奉 總督劉

批如捐建營房之議從來兵住民房不惟鵲巢而鳩居民欲歸而無地且兵民共處強弱相雜誠有羊伴虎眠之勢則營房之建似難緩於旦夕者也該府會同協鎮通盤計筭作何捐助詳細開呈本部院察行可也於是汪公率廳縣官員紳衿里長擇閒空地捐創營房八百四十餘間分撥兵住邵民賴之以安時



汪公行文各縣工書敝不使民知當事亦寢閣不行  
後屢奉

旨禁兵不得占住民房子肅空庵廟駐札凡各省徂俱  
各欽遵獨光邑防守弁兵公然占住民房其民苦不  
知何日始除矣

### 壇廟

社稷壇

在縣西茶市舊無墻垣康熙二十年茶市  
居民新創九龍庵逼近壇壝今築墻圍

山川壇

在縣南龍  
興寺後

城隍廟

舊在縣東登雲坊今地為武下道改立為福  
民坊萬曆三十二年春燬義民李友輔捐資

光澤縣志

卷二

十七

經始未就四十年邑  
令汪正誼刻期完之

厲壇

在縣平濟橋東  
北洪武七年置

名宦祠

鄉賢祠

二祠舊在縣西城外亂傾倒其基于順  
治年間總兵官張承恩改建作關帝殿

東平祠

凡四一在縣東絃歌橋一在縣東三十都一  
在縣北十七都一在縣西十都皆祀唐忠臣

張公  
巡者

惠應靈濟祠

在縣西龍興觀之左神姓陳名思孟字  
堯道穎川大丘之後宋時授泉州通判

因挈家赴官道經光澤宿驛館偶題壁云下  
馬夕陽館題詩春水橋異日夫婦暴卒殞于  
館後歲餘其館宿師有成者復過此詢其故  
直館者具以狀答館宿駭愕而死亦殞于側



每出靈異鄉人祠而祀之後會咸溪溪流暴漲漂蕩室廬隣境虫蝗害稼群寇繼作官民每禱于神境內獲安時都守以其事聞于朝太平興國四年封惠應靈濟侯勅額曰惠應配李氏封贊福夫人館賓為神位封為左司判熙寧間邑令上官均又即館驛地大其廟

### 鳴山神行祠

在縣南一都雲岩山麓舊祠在貴溪

雷元以山神能致雨祀之按神異錄神姓石氏東晉人殺牛隱復父仇後為此山之神天曆二年邑嘗大旱迎神祀之有感遂立祠以祀之

### 惠濟廟

在縣治西南種德坊原廟在三都新坊世傳宋末群盜入境有王氏子率眾禦之死于寇流白血三日因立祠元至正間鄉人遷廟于今所

### 關帝廟

坐西門外舊志無順治年間鎮守總兵張承恩因至光勦寇張自成遂立廟以祀其基原

### 光澤縣志

### 卷二

係名宦鄉賢邵公祠地基有記見藝文志

### 程公祠

坐西門外公諱寰歙縣人萬曆乙未進士知縣事多惠政與學校故為立祠

### 汪公祠

諱正誼字兩其建學校多美政故立祠坐學門右側

### 王公祠

坐學門左側戊子年學官焚燬公諱吉字枚臣廬陵人捐貲數百金建榑星門等故立祠

### 驛舖

### 杭川驛

在縣西門外順治年間燬止存空基杭川水驛官于順治十七年正月裁並歸縣治供應

### 杉關驛

在縣西大寺寨巡檢司西元元統元年建至正二十年辛丑燬洪武間驛丞何祖堅建弘治十六年守夏英命丘世喬出帑羨重新二驛正德十二年令鍾華修嘉靖二十一年令



紀穆重修杉關馬驛順  
治十六年裁歸縣供應

縣前總舖 舊各財演在縣東五十步燬正德  
十二年令鍾華重干舊址創建

東路舖 凡二

直阜舖 去城十里  
在三十都

通津舖 去城二十里舊在  
溪比筋溪西成化

十六年郡守劉  
元改建三十都

西路舖 凡七

石岐舖 去城  
十里

高田舖 去城二  
十里

黃溪舖 距高田十里萬曆三  
十六年令羅希尹修

長山舖 距黃溪十里以上  
官山舖 舊各半山坐四都  
四舖俱坐二都 距長山一十里

光澤縣志

卷二

十九

止馬舖 舊各清化坐十  
都距官山十里

杉關舖 在九都過關抵江  
西新城縣界計七

里十

養濟院 漏澤園附

明洪武初令天下設養濟院以處孤貧殘疾三年又  
禁民間焚屍苦貧無地莖者所在官司擇近城寬閒  
之地立為塚天順四年令  
置漏澤園露骸一起掩埋

養濟院 在縣東海春門外洪武三年令劉克明建正  
德四年令王儼修嘉靖二十一年令紀穆修

比萬曆四十二年  
推官程登龍重修

漏澤園 在一都普  
濟庵後

坊表



承流坊 在縣前之東

宣化坊 二坊為縣治設成化十七年燬弘治

十七年令丘世喬重建

澄清坊 在探花坊東按察分司之西

康阜坊

作新坊 二坊亦為縣治設

龍門聲價坊 在縣右正德十二年為永樂甲午舉人江禮立

探花坊 在承流坊東宋嘉定十年為李方子中鼎甲第三立

蘭魁坊 在澄清坊東宋淳熙五年為省元黃渙立

萬魁坊 失考 文錦坊 在光祿坊西永樂二十一年為舉人

傅璿立

鳳儀坊 在文錦坊東正統九年為舉人危俊

眉壽坊 失考

光澤縣志

卷二

二

孝感坊 在眉壽坊東宋紹興間令張頌為孝子上官超立今改聚奎坊

惠濟坊 在龍興觀東表地名坊 卓行坊 在祿坊東

愷悌坊 在縣治之南 種德坊

福民坊 馮孜立 興賢坊 在學南成化九年提學副使游明守

人朱光顯立

賓賢坊 在學北永樂二十一年令朱幹為舉

進士坊 在街東永樂十九年令朱幹為侯端立今改為澄清坊

登雲坊 永樂十五年令馬伯為舉人任端立今改大明坊 弘濟坊 在弘濟橋東亦表地名坊也

武陵坊 在杭西橋上 順化坊 在武陵坊上



鎮嶺坊 亦即地名坊也

青雲坊 在黃溪宣德十年

立

攀桂坊 在華橋正統六年

立

令盛填為舉人李

聚奎坊 正統九年令盛填為舉人鄧敬立

崇賢坊 在崇仁市永樂十年

立

文魁坊 在新田市洪武十年

立

善利坊 舊志無今有善利坊在東門城內外

舊有三十二坊明未止有十二坊 鼎革來止併為八坊

澄清坊 坐杭市

順化坊 坐茶市

武陵坊 坐茶市

弘濟坊 坐弘濟橋

光澤縣志

卷二

二

惠濟坊 坐西門土至城外八角亭下大街至陳家巷後街至 玉皇樓種德坊併歸惠濟內

福民坊 在東門種德坊卓善利坊 在東門

鎮嶺坊 在鎮嶺

津梁

官渡四處

鎮嶺渡 左縣東北厲壇之左天順間邑人李靖捐資作舟以濟萬曆三十七年洪水漂去知縣羅

希尹捐俸造舟九隻以濟每歲僉夫一名

交溪渡 在一都鎮嶺中州前

大販渡 在縣西二都河深水險歲有墮溺於

水者萬曆四十二年令汪正誼捐貲造舟二十隻覆版於上作浮橋以濟人比里縣丞危



正廉俊髦張五遜等贊襄事竣里人樂其成  
曰汪公橋建祠於左以志不忘司訓張公有  
記今浮橋年久朽爛  
仍造渡船以濟人  
年四渡各設  
渡夫一名

### 私渡五處

#### 永崇渡

存三十都  
獅子橋

#### 陳家渡

舊有橋圯於水洪  
武二十九年邑人

黃孟舟始作舟以  
濟在縣西二里

#### 崇仁渡

在十九都宋淳熙  
十四年里人上官

超叟捨田置舟以濟仍于渡頭建亭  
以憇行者至今子孫猶嗣而不墜

#### 汪公渡

在縣北十五里許崇仁地里人官舍江鯉等  
嘗倡義集金貸人取息以募渡夫後為官耀  
鯨吞汪令懲出共金  
九兩有奇置租以贖

### 光澤縣志

#### 卷二

#### 茶富渡

在縣北二十六  
都大寺寨前

### 在城橋六座

#### 平濟橋

在朝宗門外跨大溪即舊東渡也劉志作通  
濟橋宋嘉定十四年令陳觀奕重建石梁燬

于兵明朝弘治二年知縣劉俊開邑義民李  
文通存日有建橋之志乃喻其妻王氏捐貲  
重建其下累石為墩者九其上捲石為梁者  
八構屋蓋十楹覆之越三年始成費金萬計  
修三十七丈廣一丈七尺高三丈七尺知縣  
魏默為記光澤在邵武上游八閩喉舌之地  
縣之西南界新城界有水岐流合於大溪匯  
於縣治之北經延邵而入於海去縣半里許  
古有橋橫溪號平濟其道北通於江浙居民  
賦役之供輸商賈貨賄之貿遷賓旅朝貢之  
往來率由於此亦衝要之地也元來橋燬于  
兵嗣是以工大費廣百餘年無有能復之者



因故造舟以濟波流洶激濟多溺於水人其  
患之邑有富民李文通好義樂施嘗有志建  
之未果而卒厥子紹義亦傑士也欲經營以  
成父志不幸早逝由是文通妻王氏上念夫  
德下憫子志但弗克成就且其子又未有嗣  
續子婦官氏方娠遂慨然立志修之一以成  
其夫與子之志一以祈天之祐而衍宗祀于  
方來也時劉侯君位適宰是邑聞之遂敦勸  
以相成其美王氏乃捐貲鳩工治缺伐石以  
弘治改元之四月始事未幾官氏誕育男孫  
穎異秀特王氏之志益堅因名其子曰橋生  
以志喜也越二年予參治茲邑見其爲費之  
廣爲工之夥爲日之久橋尙未半亦嘗留意  
督率作其勤而警其惰再踰年而始成高以  
丈計者十修以丈計者百上復爲聯屋以覆  
之其修與橋等自是行者如履平地而歌頌  
之聲載途矣邑之父老咸謂以婦人而成此  
大功宜有言表之以傳諸遠予維人之建立

功業在乎一心之誠或重利而輕義非誠也  
厚已而薄人非誠也銳始而怠終非誠也惟  
心純乎誠者見其義不謀其利公於人不私  
乎已作於始不怠其終此所以無往不達而  
功業之建卓乎不可尚已若王氏之爲是橋  
惟知成前人之志而不吝萬金之費是重義  
而不計利矣惟知副行人之愿而不恤一已  
之勞是公人而不私已矣惟知務工役之成  
而不憚彌年之久是有始而有終矣非其心  
一於誠而能若是哉宜乎大功以成人心夷  
憚推是心也可以動天地感鬼神貫金石天  
豈有不大大其祚而昌其胤乎予嘉其用心之  
誠而成此利人之功故大書特書以復諸父  
老之請云至萬曆二十一年水崩令程寰捐  
俸倡邑義民危子明龔元選等重建改名程  
公橋至國朝順治三年興華初都督池鳳  
鳴領兵取縣兵馬東門遂燬於兵順治年  
董士謐擬橋等募衆重修石墩重建橋屋橋



雖重建數次各雖屢改皆賴王氏之石墩其功浩大久遠至今人感王氏之德皆稱為寡婦橋云

### 善利橋

在東門外萬曆十年圯邑人吳文茂伐石重建庇以屋

### 絃歌橋

在開魁坊跨小澗元泰定元年縣尹况達建屋于其上以其近學宮故名圯于水至正八年主簿胡日新以石重建明弘治八年邑人建亭覆之燬十五年郡守夏英命義民李仁義建亭三間于其上修四丈廣一丈五天高二丈後因建城廢

### 弘濟橋

俗名抗西橋跨縣西大溪即舊西渡也宋元祐四年令魏閣諭邑人募衆以木爲之嘉定五年漂于水邑令徐杰捐金更建以石因名徐公橋元泰定元年令况達修葺至正十九年燬於兵明洪武七年主簿李祥舟建屋三十楹於其上永樂十年邑人黃孟舟募衆重

## 光澤縣志

### 卷二

二四

修甃以磚石天順四年圯於水成化四年郡守盛顯命工壘石爲墩架木爲梁建屋數十楹覆之遂更今名修三十五丈廣一丈八尺高三丈六尺萬曆二十一年圯邑鄉紳同知黃文魁義民李友輔李玄奉官世芳龔季春捐百金爲倡董士李廷憲丘文諒龔元選丁自然募衆協成萬曆三十九年居民火延燒李友輔仍捐貲益造清順治五年燬於兵康熙元年邑人重建橋上覆以屋旁列店肆商販貨居貿易

### 杭西橋

在縣西一都茶市跨小溪宋嘉定五年令徐杰建元至正間燬於兵明洪武七年重建圯永樂八年邑人黃孟舟募衆構亭五間於其上宣德十年邑人龔日文等修弘治十四年令李麟捐俸率義民龔佐陳玉高永堅等捐募捲石爲梁而覆以亭廣一丈六尺修五丈

高四丈圯萬曆四年重建改名接龍橋清康熙年間水圯重修橋上構三聖小廟



通濟橋

在杭市尾舊為土橋歲費修築而行者病涉宣德八年主簿曹一元捐資倡義民壘石為岸架木為梁而覆以屋復建亭為迎送使客之所稱曰環翠弘治十六年郡守夏英命邑人龔小一王宜以石捲砌為梁修三丈高一丈廣一丈

西經行一都橋三座

寺前橋

在龍興寺前元時以石為之修三丈廣一丈高八尺

五里橋

在高源口成化間邑人高友政捐貲以石為墩而布石收於其上修二丈四尺廣八尺

路口橋

在高源口成化間邑人龔惟善捐貲以石為之修二丈廣八尺

經行二都橋八座

寺前橋

在再興寺前天順間邑人危伯立建修四丈五尺廣一丈三尺

光澤縣志

卷二

飛橋

廣九尺高一丈修一丈八尺

陳家橋

跨小澗元至正間里人陳千三以木

為之明永樂八年易以石修四丈廣一丈

石捲橋

危文昌募衆捲石

為橋因各石捲修四丈五尺廣一丈

永豐橋

跨小澗宋時建元至正十二年燬於

兵明洪武二年重建以石修三丈廣八尺

黃溪橋

元至正二十一年以木為之圯明永

樂十六年本里舉人高用募工重建構亭於其上修三丈二尺廣一丈

官橋

元時建圯明洪三十年里人高彥輝建萬曆三十七年水崩令羅希尹捐俸倡首伐石重建

石岐橋

弘治十二年郡守夏英命邑人官元賦建圯萬曆十六年義民羅景賢捐百金以為之構

屋於其上修五丈廣一丈六尺又各成德清康熙二十年募衆重建董首羅宇

經行四都橋一座



水口橋 跨澗里人衆建修五丈廣一丈三尺構屋於其上客商往來通衢

八都橋二座

永濟橋 在村

天妃橋 在象頭山外萬曆四十年僧目齋建

九都橋二座

路口橋 跨小澗明洪武九年邑人黃均構以木修二丈廣八尺高一丈

九里橋 跨小澗洪武十三年僧靜逸以木爲之此宣德八年杉關巡檢司洪捐貲募衆斲石爲岸架木爲梁鹿以屋修三丈廣一丈此明隆慶四年邑人黃璋重建泰和郭子章爲記

十都橋一座

萬安橋 在止馬舊以木爲之此元至正六年令朱萬初重建庇以屋十九年兵燬明洪武九年林

光澤縣志

卷二

二六

孔孫重建此永樂十六年邵武衛總旗李用珍重建此宣德四年王簿沈宗重建萬曆三十六年水决令羅希尹捐俸倡義民饒應柱等重建覆以屋修七丈廣一丈五尺郡人太理寺少卿江日彩記

十五都橋四座

雷音橋 跨小澗洪武十三年建此永樂十五年里人高伯崇爲阪道以通行人修三丈廣一丈此

萬曆四十一年邑人李友輔重建 長城橋 跨小澗正德十二年令鍾華建改名

吳屯橋 華橋 跨小澗洪武七年建

重建修三丈廣一丈此弘治十四年李友誠伐石重建修四丈廣一丈

新建明山橋



十六都橋二座

古杭橋

跨小溪底以屋修五丈廣一丈里人建

蘭乾橋

跨小溪底以屋修三丈一尺廣一丈明里人建北清康熙二十一年里人重建

十七都橋一座

順濟橋

宋宣和六年里人嚴伯和妻陳氏建改名嚴婆橋北明洪武二十六年陳建中募眾重建

北正統間義民黃文諒結石為墩北成化間邑人高友政募眾重建庇以屋邑南昌經歷危恭記

十八都橋二座

感應橋

在大林舊以石架版於水上屢為水漂萬曆三十三年里人宗魁捐貲伐石為之庇以屋

光澤縣志

卷二

二十七

修一十八丈廣一丈五尺高一丈

二尺四十一一年令汪正誼重建

承安橋

在油榨村舊無橋春水輒苦萬曆三十二年里人傅玉秀兄弟率族伐石建造庇以屋修

一十五丈

十九都橋二座

徑山橋

在徑嶺下又曰朝京橋跨小澗元至順二年建至正十二年燬於兵明永樂八年邑人黃

孟舟募眾重建庇以屋修五丈廣一丈二尺萬曆十九年又重建

崇仁橋

跨小澗以木為之北明洪武二年里人上官受安易以石弘治十五年郡守夏英命邑士

龔伯實等重修修四丈廣一丈

二十都橋一座



張公橋

跨北大溪舊以竹石壘墩屢為水漂溺於水者多康熙二十二年知縣金鳴鳳捐倡邑人修造旋燬于火二十年知縣張彭捐俸倡士民重建舊名天平橋十民戴德今名張公橋

三十都橋三座

獅子橋

在廻龍堂下

望仙橋

在直阜舖下元至八年令朱萬初稅

通濟橋

石重建修三丈廣一丈萬曆元年圯邑人吳文茂重建庇以屋在王家際萬曆三十七年圯里人危必材危鳳募眾伐石重建

鎮嶺浮橋一座

金公橋

在鎮嶺北路通衢舊架浮橋三年朽爛康熙十三年變亂無人編造溺於水者最多令金鳴鳳捐俸建造人戴其德遂名金公橋

光澤縣志

卷二

三

北新建橋一座

仙花橋

康熙三十二年知縣張彭倡修

